



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 444
fax. +387 33 726 423
e – mail: info@voda.ba

Broj: **UP-1/21-1-40-242-2/26**
Datum: **10.06.2026. godine**

«Agencija za vodno područje rijeke Save» Sarajevo rješavajući po zahtjevu pravnog lica «DMDE» d.o.o. Doboj Istok, za donošenje rješenja o prethodnoj vodnoj saglasnosti za ispuštanje tehnoloških otpadnih voda u prirodni recipijent sa lokaliteta poslovno proizvodnog objekta namjene – proizvodnja peleta u naselju Brijesnica Mala, općina Doboj istok, na osnovu člana 139. stav (1) Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), **donosi**

R J E Š E N J E

1. Odbija se zahtjev pravnog lica «DMDE» d.o.o. Doboj Istok, za izdavanje prethodne vodne saglasnosti za ispuštanje tehnoloških otpadnih voda u prirodni recipijent sa lokaliteta poslovno proizvodnog objekta namjene – proizvodnja peleta koji se planira graditi u naselju Brijesnica Mala na zemljištu označenom kao k.č. broj: 1899 i 1900/1 K.O. Mala Brijesnica, općina Doboj Istok, s obzirom da za predmetnu aktivnost nije propisana obaveza pribavljanja vodnih akata od strane ove Agencije.
2. Ovo Rješenje ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, odlukama, uredbama i dr.
3. Ukoliko tokom korištenja predmetnog poslovno proizvodnog objekta dođe do promjene tehnologije procesa, pri čemu će dolaziti do produkcije i ispuštanja tehnoloških otpadnih voda u prirodni recipijent, korisnik objekta dužan je da pribavi vodne akte od nadležnog organa.
4. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom poslovno proizvodnom objektu, korisnik zaštitnih vodnih objekata nije odgovoran za nastale štete.
5. Ovo Rješenje se može izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice «DMDE» d.o.o. Doboj Istok podnijelo je dana 04.06.2026. godine ovoj Agenciji zahtjev za izdavanje prethodne vodne saglasnosti za poslovno proizvodni objekat koji se planira graditi u naselju Brijesnica Mala na zemljištu označenom kao k.č. broj: 1899 i 1900/1 K.O. Mala Brijesnica, općina Doboj Istok, a u postupku pribavljanja urbanističke saglasnosti.

U provedenom postupku dostavljena je i pregledana sljedeća dokumentacija:

- Ovjerena kopija Aktuelnog izvoda iz sudskog registra (bez broja) izdatog dana 18.03.2026. godine od strane Općinskog suda u Tuzli,
- Ovjerena kopija Uvjerenja o poreznoj registraciji izdatog dana 03.03.2004. godine od strane Porezne uprave – Kantonalni ured Tuzla,
- Kopija Uvjerenja broj: 05-19-871/26 o usklađenosti planiranih aktivnosti sa prostorno planskom dokumentacijom općine Doboj Istok izdatog dana 21.05.2026. godine od strane Službe za prostorno uređenje Općine Doboj Istok (prilog - izvod iz prostorno planske dokumentacije),
- Ovjerena kopija Mišljenja broj: 05-19-872/26 o usklađenosti planiranih aktivnosti sa prostorno planskom dokumentacijom općine Doboj Istok izdatog dana 21.05.2026. godine od strane Službe za prostorno uređenje Općine Doboj Istok,

- Ovjerena kopija katastarskog plana UR broj: 05-26-121/2026-2 izdatog dana 06.02.2026. godine od strane Službe za prostorno uređenje Općine Doboj Istok,
- Ovjerena kopija Zemljišnoknjižnog izvataka broj: 027-0-NAR-26-002798 ZK uložak broj: 2174 izdatog dana 23.04.2026. godine od strane Zemljišnoknjižnog ureda Općinskog suda u Gračanici,
- Kopija Rješenja o urbanističkoj saglasnosti broj: UP-I-05-19-81/26 izdatog dana 15.04.2026. godine od strane Službe za prostorno uređenje Općine Doboj Istok (izdato za Fazu I),
- Dopis/očitovanje broj: 40-709-2/26 izdat dana 30.04.2026. godine od strane «Agencije za vodno područje rijeke Save» Sarajevo,
- Studija za izdavanje prethodne vodne saglasnosti za proizvodni objekat – peletara, Doboj Istok (investitor: «DMDE» d.o.o. Doboj Istok) urađena od strane «TALWEG» d.o.o. Tuzla (broj: 47-C/26, maj 2026. godine),
- Dokaz o uplaćenju upravnoj taksi na zahtjev.

Na osnovu uvida u dostavljenu dokumentaciju utvrđeno je sljedeće:

Predmetni poslovno proizvodni objekat (montažnog karaktera, spratnosti «P+0», dimenzija 40,70 x 25,45 m) planira se graditi u naselju Brijesnica Mala na zemljištu označenom kao k.č. broj: 1899 i 1900/1 K.O. Mala Brijesnica, općina Doboj Istok. Navedene parcele se ne nalaze u zaštitnim zonama izvorišta vode za potrebe vodosnabdijevanja potrošača na području općine Doboj Istok i nalaze se izvan granice vodnog dobra i poplavnog područja rijeke Spreče.

Planirana namjena predmetnog poslovno proizvodnog objekta je proizvodnja peleta. U tehnološkom postupku proizvodnje peleta ne koristi se voda, te ne nastaju tehnološke otpadne vode.

S obzirom na namjenu budućeg poslovnog objekta, u samom proizvodnom procesu ne upotrebljava se voda niti nastaju tehnološke otpadne vode kao rezultat tehnološkog postupka, kako je to utvrđeno odredbama člana 3. stav (1) tačka (cc), a u vezi sa tačkom (s) Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24) odnosno nema ispuštanja tehnoloških otpadnih voda u smislu odredbi člana 139. stav (1) tačka 3. Zakona o vodama.

Iz naprijed navedenih razloga, a u skladu s članom 139. stav (1) Zakona o vodama i članom 200. stav (1) Zakona o upravnom postupku riješeno je kao u dispozitivu ovog rješenja.

Podnosilac zahtjeva je uplatio upravnu taksu u iznosu od 80 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se podnosi neposredno ovom organu ili preporučenom poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta:

Nermina Hodžić, dipl.inž.građ.

Po ovlaštenju
Rukovodilac sektora za izdavanje vodnih akata


Nihad Pezo, dipl.inž.građ.

Dostaviti:

- «DMDE» d.o.o. Doboj Istok
Brijesnica Velika bb, 72240 Doboj Istok
- ⓪ AVP, ISV – Vodna knjiga
- Sektor 40, arhiva
- Oglasna ploča, AVP Sava